



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-464/13  
Sarajevo, 10.9.2013. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMALJENO: 12.09.2013			
Organizaciona jedinica	Klasifikaciona oznaka	Redni broj	Broj priloga
01-50-1-15-41/13			

**PARLAMENTARNA SKUPŠTINA BiH**

*- Predstavnički dom -*

**SARAJEVO**

**PREDMET:** Odgovor na poslaničku inicijativu – dostavlja se

Vijeće ministara Bosne i Hercegovine, na 61. sjednici održanoj 29.8.2013. godine, dalo je saglasnost na Odgovor na inicijativu koju je uputio Šemsudin Mehmedović, poslanik u Predstavničkom domu Parlamentarne skupštine Bosne i Hercegovine, a kojeg je utvrdilo Ministarstvo civilnih poslova Bosne i Hercegovine.

U prilogu prosljeđujemo Odgovor radi njegovog dostavljanja poslaniku.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1-464/13  
Sarajevo, 29.8.2013. godine

G-din Šemsudin Mehmedović, poslanik u Predstavničkom domu Parlamentarne skupštine Bosne i Hercegovine, na 41. sjednici Predstavničkog doma, održanoj 31. januara 2013. godine, uputio je sljedeću poslaničku inicijativu:

„Pokrećem inicijativu za uspostavu klinike za kancerogena oboljenja i presađivanje organa, kao i izmjenu ili donošenje zakona o Donorskoj mreži u BiH.“

Na postavljeno pitanje, Ministarstvo civilnih poslova je utvrdilo sljedeći

**ODGOVOR**

Zakonom o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06 i 88/07, 35/09, 59/09 i 103/09), definisana je koordinirajuća uloga Ministarstva civilnih poslova Bosne i Hercegovine u oblasti zdravstva. Prema odredbama stava (2) člana 15. Zakona o ministarstvima i drugim organima uprave Bosne i Hercegovine, Ministarstvo civilnih poslova je nadležno za obavljanje poslova i izvršavanje zadataka koji su u nadležnosti Bosne i Hercegovine i koji se odnose na utvrđivanje osnovnih principa koordiniranja aktivnosti, usklađivanja planova entitetskih tijela vlasti i definisanje strategije na međunarodnom planu, pored ostalog, i u oblasti zdravstva.

U skladu sa navedenim, Ministarstvo civilnih poslova je od Federalnog ministarstva zdravstva, Ministarstva zdravlja i socijalne zaštite Republike Srpske i Odjela za zdravstvo Brčko distrikta BiH tražilo izjašnjenje po navedenoj poslaničkoj inicijativi.

**Federalno ministarstvo zdravstva** je svojim aktom broj 02-37-3148/13 od 29.05.2013.g (akt u prilogu) dostavilo informaciju da je ova poslanička inicijativa upućena i Vladi Federacije Bosne i Hercegovine i dostavilo kopiju odgovora Vladi Federacije BiH br. 02-37-836/13 od 5.3.2013. g.

U Federaciji Bosne i Hercegovine rješenjem federalnog ministra zdravstva uspostavljena je mreža ustanova za liječenje oboljelih od malignih oboljenja: Klinički centar Univerziteta u Sarajevu, Univerzitetski klinički centar Tuzla, Klinička bolnica Mostar i Kantonalna bolnica Zenica imaju formirane jedinice za liječenje bolesnika sa malignim oboljenjima. Ove zdravstvene ustanove opremljene su savremenom medicinsko-tehničkom opremom i imaju stručan i educiran kadar. Na ovakav način formirana mreža onkoloških jedinica omogućava bolesnicima dostupnije liječenje i smanjivanje listi čekanja, što je od izuzetnog značaja za ishod liječenja. Također, u nekim kantonalnim bolnicama organizirano je ordiniranje hemoterapije sa ciljem da usluga bude dostupnija pacijentima i da se pacijent ne izdvaja iz svog socijalnog okruženja.

Transplantacija ljudskih organa i tkiva od žive ili umrle osobe u svhu liječenja u Federaciji BiH obavlja se na temelju Zakona o transplantaciji organa i tkiva u svrhu liječenja („Službene novine F BiH“ br.75/09). Cilj navedenog zakona je određivanje jasnih kriterija u medicinskoj praksi u oblasti transplantacijske medicine, ustrojavanje kompletnog sistema uzimanja i presađivanje organa i tkiva u svrhu liječenja u Federaciji BiH i osiguranje razmjene organa i tkiva povezivanjem i uključivanjem u međunarodne organizacije. Zakonom je

propisan način doniranja organa i tkiva kako sa žive tako i sa umrle osobe, uzimanje organa i tkiva sa umrle osobe, način i uvjeti pod kojim se organi i tkiva sa umrle osobe mogu uzimati radi presađivanja u svrhu liječenja. U članu 30 navedenog zakona je propisano da je dozvoljeno uzimati organe i tkiva sa umrle osobe kao i presađivanje u svrhu liječenja samo ako se darovalac za života saglasio sa darovanjem organa i tkiva poslije smrti te da se o navedenim izjavama vodi registar (Registar osoba koje su saglasne sa darovanjem organa i tkiva poslije smrti). S obzirom da je uspostavljanje registra osoba koje su saglasne sa darovanjem organa i tkiva poslije smrti dugotrajan i složen proces koji zahtjeva velika finansijska sredstva, zakonom je predviđene da se, do uspostave navedenog registra, uzimanje organa i tkiva sa umrle osobe vrši samo ako se darovalac za života nije tome izričito protivio, te uz pisani pristanak porodice, tj bračnog ili izvanbračnog druga, punoljetnog djeteta, roditelja, punoljetnog brata ili sestre umrle osobe. Također, u prelaznim i završnim odredbama ovog zakona predviđeno je da se primjena navedenih odredbi provodi do uspostave registra osoba koje se protive darovanju organa i tkiva poslije smrti, odnosno u roku do 5 godina od dana stupanja na snagu ovog zakona. Po isteku navedenog zakona, a na prijedlog Komisije za transplantacijsku medicinu F BiH, ministar će sagledati potrebu produženja utvrđenog roka, a o čemu odluku donosi Parlament Federacije i Hercegovine. I pored napretka u oblasti transplantacijske medicine, još uvijek postoji izvjesna stopa odbijanja darovanja organa i tkiva, naročito kada je u pitanju umrla osoba kao potencijalni darovalac. Od porodice se zahtjeva odluka o darovanju organa u najtežem trenutku i tada je potrebna podrška okoline i zdravstvenog osoblja. S druge strane, postoje dokazi da porodica može naći utjehu kada doniranjem organa može sačuvati život drugim ljudima. Međutim porodica, u pravilu, donosi odluku na osnovu toga da li se umrla osoba za života izjašnjavala o darovanju odnosno nedarovanju organa i tkiva. Uzevši u obzir navedeno, uputno je da se svaka osoba za života obavijesti o sistemu i svrsi doniranja organa i tkiva i da o tome sama donese odluku u okviru svoje uže okoline, posebno u okviru svoje porodice, tako da porodica može u potrebnom trenutku donijeti odluku bez većeg opterećenja. U suštini, ovaj zakon podržava mješoviti sistem pretpostavljenog odnosno informiranog pristanka kod uzimanja organa i tkiva radi presađivanja u svrhu liječenja.

Do ovakvih zakonskih rješenja došlo se nakon rasprave u oba doma Parlamenta Federacije BiH. Transplantacija organa i tkiva u svrhu liječenja u FBiH se trenutno obavlja u Kliničkom centru Univerziteta u Sarajevu i Univerzitetski klinički centar Tuzla.

Vezano za inicijativu za izmjene ili donošenje Zakona o donorskoj mreži u BiH, Federalno ministarstvo zdravstva podsjeća da je 2002.g osnovano Udruženje Donorska mreža u Bosni i Hercegovini kao nevladina, dobrovoljna organizacija ljekara i drugih građana radi promoviranja doniranja organa, praćenja razvoja i dostignuća medicinskih i srodnih nauka u vezi sa doniranjem organa, javnog istupanja, organizovanja stručnih sastanaka, rasprava, seminara, simpozijuma i kongresa, kao i uspostavljanja saradnje i kontakata sa programima doniranja organa u drugim zemljama.

**Ministarstvo zdravlja i socijalne zaštite Republike Srpske** je svojim aktom broj 11/04-500-348-1/13 od 27.07.2013.g (akt u prilogu) dostavilo sljedeći odgovor:

Prema Zakonu o zdravstvenoj zaštiti Republike Srpske ("Službeni glasnik RS" br.106/09) propisano je da je bolnica zdravstvena ustanova prvog, drugog, trećeg i četvrtog reda u kategorizaciji bolnica koje obavljaju specijalističko-konsultativno i bolničko liječenje svih populacionih i nozoloških grupa.

U skladu sa pozitivnim zakonskim procedurama i propisima, Klinički centar Banja Luka je u okviru svoje organizacione strukture osnovao Klinikum za onkologiju koja se sastoji od tri odjeljenja: Prijemno dijagnostičko odjeljenje sa dnevnom bolnicom, Odjeljenje opšte onkologije i Odjeljenje intenzivne terapije. U Klinici za onkologiju se, između ostalog, vrši određivanje stadija bolesti, procjena rizika za metastatsko širenje, utvrđivanje indikacija i kontraindikacija za hemoterapiju/hormonsku terapiju, evaluacija odgovora i praćenje bolesnika liječenih hemoterapijom. Također, vrši se ocjena indikacija i kontraindikacija za radioterapiju, izolacija imuno-supresivnih pacijenata, primjena citostatika, dijagnostika i terapija tumora dojke (kolor dopler i 3D), jetre i dr. Obavlja se zdravstveno-vaspitni rad sa onkološkim pacijentima i porodicom te vođenje bolesnika u skladu sa procesom zdravstvene njege.

Zakonom o transplantaciji ljudskih organa ("Službeni glasnik RS" broj 14/10) se uređuje transplantacija ljudskih organa ili dijelova organa ljudskog porijekla, načela transplantacije, organizacija obavljanja stručno-medicinskih poslova u oblasti transplantacije, postupak transplantacije, uzimanje ljudskih organa od živog davaoca, uzimanje organa od umrlog davaoca, kao i druga pitanja od značaja za transplantaciju.

Imajući u vidu da sva ova pitanja regulisana zakonima u Republici Srpskoj, Ministarstvo zdravlja i socijalne zaštite RS ne prihvata inicijativu za uspostavljanje klinike za kancerogena oboljenja i presađivanje organa, kao i izmjene ili donošenje Zakona o donorskoj mreži u Bosni i Hercegovini.

**Odjel za zdravstvo i ostale usluge Brčko distrikta BiH** je svojim aktom br 05-1002AN-05/13 od 30.07.2013.godine (kopija u prilogu) je dostavilo informaciju da je za 4. Kvartal ove godine kandidiralo donošenje Zakona o transplantaciji organa kao i Zakona o transplantaciji tkiva i ćelija kako bi se stvorile zakonske pretpostavke za uređenje ovog pitanja.

Imajući u vidu navedene odgovore koje je Ministarstvo civilnih poslova zaprimilo od nadležnih ministarstava zdravstva /zdravlja Federacije BiH, Republike Srpske kao i Odjela za zdravstvo i ostale usluge Brčko distrikta BiH, može se zaključiti da ne postoji podrška zdravstvenih vlasti u BiH poslaničkoj inicijativi za uspostavljanje klinike za kancerogena oboljenja i presađivanje organa, niti za izmjenu ili donošenje zakona o Donorskoj mreži u BiH.

\* \* \*

Vijeće ministara Bosne i Hercegovine, na 61. sjednici održanoj 29.8.2013. godine, dalo je saglasnost na Odgovor na pitanje koje je postavio Šemsudin Mehmedović, poslanik u Predstavničkom domu Parlamentarne skupštine Bosne i Hercegovine, a kojeg je utvrdilo Ministarstvo civilnih poslova.

Broj: 05-50-1-464/13  
29.8.2013. godine  
S a r a j e v o

Broj: 03/04-05-3/13  
Sarajevo, 13.03.2013.godine

BOSNA I HERCEGOVINA FEDERACIJA BOSNE I HERCEGOVINE SARAJEVO			
PRIMLJENO	15-03-2013		Broj vrijega
01-50-1-15-41/13			

**PARLAMENTARNA SKUPŠTINA BOSNE I HERCEGOVINE**

**Zastupnički dom**

n/p gosp. Šemsudin Mehmedoviću, zastupniku ✓

n/p gosp. Bojanu Ninkoviću, tajniku

Predmet: Odgovor na zastupničku inicijativu

Poštovani,

U pravitku akta, dostavljam Vam odgovor Federalnog ministarstva zdravstva na zastupničku inicijativu, koju je na 41. sjednici Zastupničkog doma Parlamentarne skupštine Bosne i Hercegovine, održanoj 31. siječnja 2013. godine, podnio zastupnik Šemsudin Mehmedović.

S poštovanjem,



SEKRETAR VLADE

Edita Kalajdžić

Broj: 02-37-836/13  
Sarajevo, 05.03.2013. godine

VLADA FEDERACIJE BIH  
N/p SEKRETARA VLADE  
Edita Kalajdžić

FEDERALNO MINISTARSTVO ZDRAVSTVA  
SARAJEVO

12.3.2013	
03/04-05-3	2013

**PREDMET: Odgovor na zastupničku inicijativu – dostavlja se**

Veza: Akt Sekretara Vlade Federacije BiH broj: 03/04-05/13 od  
13.01.2013.godine

Poštovana,

Federalno ministarstvo zdravstva zaprimilo je akt Sekretara Vlade Federacije Bosne i Hercegovine, sa zastupničkom inicijativom. Naime, gospodin Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine, na 41. sjednici Zastupničkog doma Parlamentarne skupštine Bosne i Hercegovine, održanoj 31.01.2013.godine, pokrenuo je zastupničku inicijativu "Pokrećem inicijativu za uspostavu klinike za kancerogena oboljenja i presađivanje organa, kao i izmjenu ili donošenje Zakona o donorskoj mreži".

Na postavljenu zastupničku inicijativu, Federalno ministarstvo zdravstva, daje slijedeći odgovor.

U Federaciji Bosne i Hercegovine uspostavljena je mreža ustanova za liječenje oboljelih od malignih oboljenja. Naime u tri kliničke ustanove i to Klinički centar Univerziteta u Sarajevu, Univerzitetski klinički centar Tuzla, Klinička bolnica Mostar, kao i u Kantonalnoj bolnici Zenica formirane su onkološke jedinice za liječenje bolesnika oboljelih od malignih bolesti. Navedene zdravstvene ustanove su opremljene sa savremenom medicinsko-tehničkom opremom, te imaju uposlen stručan i educiran kadar. Iste obavljaju navedenu djelatnost na temelju rješenja federalnog ministra zdravstva. Na ovakav način formirana mreža onkoloških jedinica omogućava bolesnicima dostupnije liječenje i smanjivanje listi čekanja, što je od izuzetnog značaja za ishod liječenja. Također, u pojedinim kantonalnim bolnicama organizirano je i ordiniranje hemoterapije, a sa ciljem da je usluga što dostupnija pacijentima, te da se ne izdvajaju iz svog socijalnog okruženja.

Transplantacija ljudskih organa i tkiva od žive ili umrle osobe u svrhu liječenja, na teritoriji Federacije Bosne i Hercegovine obavlja se na temelju Zakona o transplantaciji organa i tkiva u svrhu liječenja („Službene novine

Federacije Bosne i Hercegovine" broj 75/09) ). Cilj navedenog zakona je određivanje jasnih kriterija u medicinskoj praksi u oblasti transplantacijske medicine, ustrojavanje kompletnog sistema uzimanja i presađivanja organa i tkiva u svrhu liječenja u Federaciji BiH i osiguranje razmjena organa i tkiva povezivanjem i uključivanjem u međunarodne organizacije. Zakonom je propisan način doniranja organa i tkiva kako sa žive osobe, tako i sa umrle osobe. U poglavlju „Uzimanje organa i tkiva sa umrle osobe“ utvrđuje se način i uvjeti pod kojim se organi i tkiva sa umrle osobe mogu uzimati radi presađivanja u svrhu liječenja. U članu 30. navedenog zakona je propisano da je dozvoljeno je uzimati organe i tkiva sa umrle osobe radi presađivanja u svrhu liječenja, samo ako se darovalac za života saglasio sa darovanjem organa i tkiva poslije smrti, te da se o navedenim izjavama vodi registar (registar osoba koje su saglasne sa darovanjem organa i tkiva poslije smrti). S obzirom da je uspostavljanja registra osoba koje su saglasne sa darovanjem organa i tkiva poslije smrti dugotrajan i složen proces koji zahtjeva i velika finansijska sredstva, zakonom je predviđeno da, do uspostave navedenog registra, uzimanje organa i tkiva sa umrle osobe se vrši samo ako se darovalac za života nije tome izričito protivio, te uz pisani pristanak porodice, tj. bračnog ili izvanbračnog druga, punoljetnog djeteta, roditelja, punoljetnog brata ili sestre umrle osobe. Također, u prelaznim i završnim odredbama ovog zakona predvidjeli smo da će primjena navedenih odredbi se provoditi do uspostave registra osoba koje se protive darovanju organa i tkiva poslije smrti, odnosno u roku do 5 godina od dana stupanja na snagu navedenog zakona. Po isteku navedenog roka, a na prijedlog Komisije za transplantacijsku medicinu, ministar će sagledati potrebu produženja utvrđenog roka, a o čemu odluku donosi Parlament Federacije Bosne i Hercegovine. Svjesni smo činjenice da, i pored napretka u oblasti transplantacijske medicine, još uvijek postoji izvjesna stopa odbijanja darovanja organa i tkiva, naročito kada je u pitanju umrla osoba kao potencijalni darovalac. Od porodice se zahtijeva odluka o darovanju organa u najtežem trenutku. Tada je potrebna podrška okoline i zdravstvenog osoblja. Dokazano je, međutim, da porodica nalazi utjehu kada doniranjem organa može sačuvati život drugim ljudima. Međutim, porodica, u pravilu, donosi odluku na osnovu toga da li se umrla osoba za života izjašnjavala o darovanju odnosno nedarovanju organa i tkiva. Uzevši u obzir sve spomenuto, uputno je da se svaka osoba za života obavijesti o sistemu i svrsi doniranja organa i tkiva i da o tome sama donese odluku u okviru svoje uže okoline, posebno u okviru svoje porodice. Tako će porodica, u potrebnom trenutku, donijeti odluku bez većeg opterećenja. To znači da smo se u ovom zakonu opredijelili za mješoviti sistem pretpostavljenog odnosno informiranog pristanka kod uzimanja organa i tkiva radi presađivanja u svrhu liječenja.

Naglašavamo da se do ovakvih zakonskih rješenja došlo nakon rasprave u oba doma Parlamenta Federacije Bosne i Hercegovine.

Napominjemo da se transplantacija organa i tkiva u svrhu liječenja u Federaciji Bosne i Hercegovine obavlja u dva klinička centra Kliničkom centru Univerziteta u Sarajevu i Kliničkom univerzitetskom centru Tuzla.

Kad je u pitanju inicijativa za izmjene ili donošenje Zakona o donorskoj mreži u BiH, naglašavamo da je 2002. godine osnovano Udruženje Donorska

mreža u Bosni i Hercegovini, zajedničkim sporazumom članova Udruženja usvojenim na Osnivačkoj skupštini Udruženja održanoj 6. februara 2002. godine, a u skladu sa Zakonom o Udruženjima i Fondacijama Bosne i Hercegovine.

Udruženje Donorska mreža u Bosni i Hercegovini je nevladina dobrovoljna organizacija ljekara i drugih građana zasnovana radi promovisanja doniranja organa, praćenja razvoja i dostignuća medicinskih i srodnih nauka u vezi sa doniranjem organa, javnog istupanja, organizovanja stručnih sastanaka i rasprava, seminara, simpozijuma, kongresa kao i uspostavljanje saradnje i kontakata sa programima doniranja organa u drugim zemljama.

S poštovanjem,



MINISTAR

Prof. dr Rusmir Mesihović



Bosna i Hercegovina



Босна и Херцеговина

Sud Bosne i Hercegovine  
Kabinet predsjednika Suda

Суд Босне и Херцеговине  
Кабинет председника Суда

Broj: Su-10-55/13  
Sarajevo, 12.03.2013. godine

Bosna i Hercegovina  
Parlamentarna skupština BiH  
ZASTUPNIČKI DOM  
n/r predsjedatelja, dr Božo Ljubić

Ul. Trg BiH 1  
71000 SARAJEVO

Veza: Vaš akt broj 01/a-50-1-15-41/13

Poštovani,

Primila sam Vaš akt, broj gornji od 04.02.2013. godine, kojim ste prosljedili zastupničko pitanje Mehmedović Šemsudina, postavljeno na sjednici Zastupničkog doma od 31.01.2013. godine, o izdavanju naredbi za praćenje telefonskih razgovora, elektronske pošte i drugih vidova komunikacija u odnosu na lica koja su bili ili su sada poslanici i delegati Parlamentarne skupštine BiH u periodu od 01.07.2005. godine pa do danas.

S tim u vezi, najprije želim ukazati da je pitanje zastupnika Mehmedović Šemsudina postavljeno vrlo uopšteno i neprecizno. Sud Bosne i Hercegovine, naime, nema podatke o mjerama praćenja komunikacija koje izdaju drugi sudovi u svrhu predistražnih, odnosno istražnih radnji. A kada su u pitanju mjere koje, na prijedlog Tužilaštva Bosne i Hercegovine, odnosno Obavještajno-sigurnosne agencije Bosne i Hercegovine, određuje ovaj Sud, isti se ne klasifikuju po kriteriju da li je lice, u odnosu na koje se primjenjuje određena mjera tajnog praćenja, na određenoj funkciji ili ne, u konkretnom slučaju, da li je određeno lice poslanik odnosno delegat Parlamentarne skupštine Bosne i Hercegovine. Zakon o Obavještajno-sigurnosnoj agenciji BiH (OSA/OBA BiH) koristi riječ „građanin“, pa se ove mjere ne mogu dovoditi u vezu s određenim licem u kontekstu vršenja njegove funkcije, osim ako u vršenju te funkcije provodi aktivnosti koje predstavljaju prijetnju po sigurnost BiH i globalnu sigurnost.

Nadalje, kada su u pitanju slučajevi primjene mjera tajnog praćenja komunikacija, koje nalogom odobrava predsjednik Suda, a na zahtjev Obavještajno-sigurnosne agencije Bosne i Hercegovine (Agencija), u istim se radi o informacijama čije je prikupljanje vezano za dužnost i zadatke Agencije, propisane članom 5. Zakona o OSA/OBA BiH. Kako se radi o podacima sa stepenom tajnosti „Tajno“ i „Vrlo tajno“, na iste se ne može primijeniti član 6. Zakona o slobodi pristupa informacijama u BiH.

BOGNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	13-03-2013		
Organizaciona jedinica	Klasifikaciona oznaka	Radni broj	Broj priloga
01-50-1-15-41		13	13

Konačno, članom 77. stav 5 Zakona o OSA/OBA BiH propisano je da će građanin BiH, koji je bio predmet praćenja ili prisluškivanja, biti obaviješten po okončanju praćenja ili prisluškivanja o preduzetim mjerama, osim ako bi takva informacija mogla ugroziti okončanje zadataka Agencije ili okončanja postupka pred nadležnim organima.

Stoga, informacije o licima koja su praćena u smislu citiranog Zakona, može dati samo Obavještajno-sigurnosna agencije BiH, pod uslovima i na način propisan Zakonom.

S poštovanjem,



---

Kraljice Jelene 88, 71000 Sarajevo

*Telefon:*  
++ 387 33 707 301

*Fax:*  
++ 387 33 707 320

*web:*  
[www.sudbih.gov.ba](http://www.sudbih.gov.ba)

*e-mail*  
[pios@sudbih.gov.ba](mailto:pios@sudbih.gov.ba)

Bosna i Hercegovina  
Federacija Bosne i Hercegovine  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02/1-1-2-04-8-2/879/13  
Datum: 05.03.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLIENO:	12-03-2013		
Organizaciona jedinica	Klasifikaciona oznaka	Redni broj	Broj priloga
01-50-1-15-41/13			

**PARLAMENTARNA SKUPŠTINA BiH**  
**ZASTUPNIČKI DOM/PREDSTAVNIČKI DOM**

**PREDMET: Zastupničko pitanje** - Odgovor, dostavlja se

**VEZA:** Vaš akt broj: 01/a-50-1-15-41/13 od 04.02.2013. godine

Poštovani,

U vezi vašeg zahtjeva broj i datum veze, obavještavamo vas da se shodno članu 227. Zakona o krivičnom postuku Federacije Bosne i Hercegovine, članu 125a Krivičnog zakona Federacije Bosne i Hercegovine i članu 17. stav 3. Zakona o zaštiti ličnih podataka, zastupniku kao fizičkom licu ne mogu dostavljati podaci iz kaznene evidencije.

Takođe, podaci koji se upisuju u operativnu evidenciju, koriste se u policijske svrhe i isti se ne mogu ustupati fizičkim licima.

S poštovanjem!



**POLICIJSKI KOMESAR**  
Generalni inspektor policije  
Vahid Čosić

*Vahid Čosić*



РЕПУБЛИКА СРПСКА  
ВЛАДА  
ГЕНЕРАЛНИ СЕКРЕТАРИЈАТ

Бања Лука, тел: 051/339-277, факс: 051/339-641, E-mail: sekretar@vladars.net

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 11.3.2013.

Organizaciona jedinica	Klasifikaciona oznaka	Redni broj	Broj priloga
01-50-1-15-41		13	

Број: 04.2- 011- 384-1/13  
Датум: 07.03.2013. године

ПАРЛАМЕНТАРНА СКУПШТИНА БИХ  
ПРЕДСТАВНИЧКИ ДОМ

Поштовани,

У прилогу дописа достављамо Вам одговор на посланичку иницијативу посланика Шемсудина Мехмедовића, поднесену на 41. сједници Представничког дома Парламентарне скупштине БиХ, одржаној 31.01.2013. године.

С поштовањем,



ГЕНЕРАЛНИ СЕКРЕТАР ВЛАДЕ  
Владо Благојевић



РЕПУБЛИКА СРПСКА  
ВЛАДА  
ГЕНЕРАЛНИ СЕКРЕТАРИЈАТ ВЛАДЕ

БРОЈ	БРОЈ	ПРИЛОГ	ВРИЈЕДНОСТ

РЕПУБЛИКА СРПСКА  
ВЛАДА

МИНИСТАРСТВО ЗДРАВЉА И СОЦИЈАЛНЕ ЗАШТИТЕ


Трг Републике Српске 1, 78000 Бања Лука, тел 051/339-475, факс 051/339-658, e-mail [ministarstvo-zdravlja@mzs.vladars.net](mailto:ministarstvo-zdravlja@mzs.vladars.net), [www.vladars.net](http://www.vladars.net)

Број: 11/04-012-92/13

Бања Лука, 22.02.2013. године

ВЛАДА РЕПУБЛИКЕ СРПСКЕ  
ГЕНЕРАЛНИ СЕКРЕТАРИЈАТ

Н/р генералног секретара



**ПРЕДМЕТ:** Одговор, доставља се.

У вези вашег дописа број 04.2-011-384/13 од 14.02.2013. године којим сте Министарству здравља и социјалне заштите Републике Српске прослиједили посланичка питања заступника Представничког дома Парламентарне скупштине БиХ, г-дина Боже Љубића, овим путем Вам одговарамо на постављена питања како слиједи:

1. У Републици Српској постоје клинике и одјељења за онкологију, у склопу здравствених установа које су регионално заступљене, а које се баве превенцијом, дијагнозом и лијечењем малигнух обољења.
2. Народна скупштина Републике Српске је усвојила Закон о трансплантацији људских органа ("Службени гласник Републике Српске, број 14/10), којим се уређује трансплантација људских органа или дијелова органа људског поријекла, начела трансплантације, организација обављања стручно медицинских послова у области трансплантације, поступак трансплантације, узимање органа од живог даваоца, узимање органа од мртваг даваоца као и друга питања од значаја за трансплантацију.

Из наведених разлога сматрамо да не постоји оправдана потреба за покретање посланичке иницијативе.

С поштовањем,



МИНИСТАР

Проф. др Ранко Шкрбић

Доставити:

1. Генералном секретаријату Владе Републике Српске,
2. а/а



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

Broj: A-95/13

Sarajevo, 21.02.2013. godine

BOSNA I HERCEGOVINA  
 PARLAMENTARNA SKUPŠTINA BOSNE I HERCEGOVINE  
 SARAJEVO

PRIMLJENO: 25.02.2013			
Organizaciona jedinica	Klasifikaciona oznaka	Redni broj	Broj priloga
01-50-1-15-41/13			

**ZASTUPNIČKI DOM**

Trg BiH br. 1

71 000 SARAJEVO

N/p Predsjedatelju Božo Ljubić

**PREDMET: Odgovor na zastupničko pitanje**

Aktom broj 01/A-50-1-15-41/13 od 04.02.2013. godine Tužilaštvu Bosne i Hercegovine prosljedili ste zastupničko pitanje gospodina Šemsudina Mehmedovića koje glasi:

„Da li je u periodu od 01.07.2005. godien pa do sada Sud BiH ili drugi nadležni sud u BiH izdao naredbu za praćenje telefonskih razgovora, elektronske pošte ili drugih vidova komunikacija osoba koje su u vrijeme izdavanja takve naredbe bili ili su i sada poslanici i delegati Parlamentarne skupštine BiH, te ako jeste molim da mi se dostave podaci o tim slučajevima“.

Samo potavljeno pitanje podrazumjeva da se odgovor može jedino tražiti od Suda Bosne i Hercegovine i drugih nadležnih sudova iz slijedećih razloga:

Tužilaštvo Bosne i Hercegovine niti bilo koje drugo tužilaštvo ne izdaje naredbe za praćenje telefonskih razgovora, elektronske pošte ili drugih vidova komunikacije.

Sud Bosne i Hercegovine u skladu sa Zakonom o krivičnom postupku Bosne i Hercegovine izdaje naredbe za praćenje telefonskih razgovora, elektronske pošte ili drugih vidova komunikacija.

Sud Bosne i Hercegovine u skladu sa Zakonom o Obavještajno sigurnosnoj agenciji (OSA-i) Bosne i Hercegovine izdaje naredbe za praćenje telefonskih razgovora, elektronske pošte ili drugih vidova komunikacija.

*Sud Bosne i Hercegovine u skladu sa Zakonom o krivičnom postupku Bosne i Hercegovine i u skladu sa Zakonom o Obavještajno sigurnosnoj agenciji (OSA-i) Bosne i Hercegovine obavještava tijela i osobe o poduzimanju mjera praćenja telefonskih razgovora, elektronske pošte i drugih vidova komunikacije.*

*Dakle, Tužilaštvo Bosne i Hercegovine Vam ne može dati odgovor na postavljeno zastupničko pitanje iz naprijed navedenih razloga.*

**ZAMJENIK GLAVNOG TUŽITELJA**

*Rukovodilac Posebnog odjela za organizovani  
kriminal, privredni kriminal i korupciju*  
**TUŽILAŠTVA - TUŽITELJSTVA BiH**



*Božo Mihajlović*